

Hoc quidem fine, ut ex intima illa utriusque conjunctione accedente postmodum coagulatione debita, corpus auri formam acquirat medicamentosam, in quovis liquore solubile, & potabile.

Modus solutionis hic est, cape liquorem nostrum magistralem limpidissimum, eumque funde super calcem. Videbis exactionem menstrui in calcem nitri minimè levem ebullitionem, atque exæstuationem, pone in Balneo, & digere per triiduum, solutio flavescet, quam per declinationem effunde, affunde iterum de solvente, & solve, donec superfusus calci liquor, desinat ebullire, solutiones omnes collige & serva.

Hæc videlicet est solutio magistralis, ad ejus exactiorem cognitionem, tria pulcherrima proplemata discutiemus.

Primum est an illa solutio possit fieri sine corrosivo?

Secundum utrum in illa solutione forma auri metallica realiter destruaturs vel possit ita destrui? Quòd si verò nec destruaturs vel possit ita destrui per artem, Quæremus ultimò an propterea negandum sit, in ejusmodi solutione aurum exaltari.

Ad primum problema respondeo ita, solutio calcis aurea, non potest fieri sine menstruo.

Illud verò menstruum, aut erit merè aqueum, & insipidum, cujusmodi est aqua vulgaris, & aquæ distillatæ vegetabilium. Aut erit sulphureum, cujusmodi est Spiritus vini, terebintinæ, olea aromatum stillatitia &c. aut erit salinum, cujusmodi est, e.g. Spiritus vitrioli, sulphuris, salis, Aceti distillati, mellis, succi limpidi citrinorum, Limonum &c.

Quar-